



Ychwanegwch
liw!

Byddai merched y domen yn cario'r gwastraff o'r ffwrneisi haearn a'u pentyrru yn domenni mawr. Roedden nhw'n gwisgo bonedau gwellt fflat ac yn cario'r gwastraff ar eu pennau. Heb neb i ofalu am y plant, byddai babanod yn aml i'w gweld gyda nhw wrth iddyn nhw weithio.



Ychwanegwch
liw!

Byddai'r 'Pwlder' – purwr haearn medrus – yn gweithio o flaen 'Ffwrnais Bwdlo' yn troi haearn tawdd gyda rhoden fawr. Roedd y ffwrnais yn llosgi'n wynias, felly i geisio arbed ei olwg byddai'r 'Pwlder' yn gwisgo het gydag ymyl fawr wedi'i thynnu dros un llygad wrth weithio.



Ychwanegwch
liw!

Roedd hi'n gyffredin i lowyr fynd â'u meibion gyda nhw i helpu yn y pwll, a bydden nhw'n aml yn defnyddio rhaw tair ochr unigryw o'r enw 'pwced lo' i gasglu'r glo fyddai'r glöwr yn ei naddu o'r wythien.